




## ՈՒՂԵՑՈՒՅՑ

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԺԱՄԱՆՈՂ  
ՖԻԶԻԿԱԿԱՆ ԱՆՁԱՆՑ ՀԱՄԱՐ**

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ՄՇՏԱԿԱՆ  
ԲՆԱԿՈՒԹՅԱՆ ԿԱՅՐ ՈՒՆԵՑՈՂ ԵՎ ԺԱՄԱՆԱԿԱԿՈՐԱԴԵՍ  
ՕՏԱՐԵՐԿՐՅԱ ՊԵՏՈՒԹՅՈՒՆՈՒՄ ԲՆԱԿՎՈՂ ՀԱՅԱՍՏԱՆԻ  
ՀԱՆՐԱՊԵՏՈՒԹՅԱՆ ՖԻԶԻԿԱԿԱՆ ԱՆՁԱՆՑ  
ՏՐԱՄԱԴՐԿՈՂ ԱՐՏՈՆՈՒԹՅՈՒՆՆԵՐ





Ուղեցույցի նպատակն է տեղեկացնել Հայաստանի Հանրապետությունում մշտական բնակության վայր ունեցող և ժամանակավորապես օտարերկրյա պետությունում բնակվող Հայաստանի Հանրապետության ֆիզիկական անձանց տրամադրվող արտոնությունների մասին

## ԻՐԱՉԵԿ ԼԻՆԵԼ ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԺԱՄԱՆԵԼԻՍ

### Ուշադրություն

Հայաստանի Հանրապետության սահմանով ֆիզիկական անձանց կողմից ապրանքների տեղափոխմանը վերաբերող կարգավորումներին ավելի մանրամասն կարող եք ծանոթանալ այցելելով ՀՀ Պետական եկամուտների կոմիտեի պաշտոնական կայքէջ՝

<https://src.am/am/getMenusContents/266>:

**Հնարավոր է անցում կատարել նաև հետևյալ QR կոդով՝**





**1. Հայաստանի Հանրապետության օրենսդրությամբ սահմանված կարգով Հայաստանի Հանրապետությունում մշտական բնակության վայր ունեցող և ժամանակավորապես օտարերկրյա պետությունում բնակվող Հայաստանի Հանրապետության ֆիզիկական անձը մաքսային վճարներից ազատման ինչպիսի արտոնությունից կարող է օգտվել.**

Հայաստանի Հանրապետության օրենսդրությամբ սահմանված կարգով Հայաստանի Հանրապետությունում մշտական բնակության վայր ունեցող և ժամանակավորապես օտարերկրյա պետությունում բնակվող Հայաստանի Հանրապետության ֆիզիկական անձը (այսուհետ՝ Հայաստանի Հանրապետության ֆիզիկական անձ) կարող է առանց մաքսատուրքերի, հարկերի վճարման ուղեկցվող և (կամ) չուղեկցվող ուղեբեռով Հայաստանի Հանրապետություն ներմուծել **5000 եվրոն չգերազանցող արժեքով** անձնական օգտագործման ապրանքներ՝ ՀՀ կառավարության սահմանած բնաիրային չափերը չգերազանցող քանակներով :

**Ուշադրություն.**

- ✓ Արտոնությունը կիրառելի չէ անձնական օգտագործման տրանսպորտային միջոցների և անձնական օգտագործման տրանսպորտային միջոցների թափքերի ներմուծման նկատմամբ:
- ✓ Նշված արտոնության շրջանակներում կարող են ներմուծվել նաև չօգտագործված ապրանքներ:

**2. Մաքսատուրքերի հարկերի վճարումից ազատմամբ (այսուհետ՝ արտոնություն) անձնական օգտագործման ապրանքներ ներմուծելու համար՝ Հայաստանի Հանրապետության ֆիզիկական անձինք, ինչպիսի միաժամանակյա պայմանների բավարարումը պետք է ապահովեն.**

Արտոնությունից հնարավոր է օգտվել հետևյալ պայմանների միաժամանակյա ապահովման դեպքում.

- ապրանքները ՀՀ տարածք են տեղափոխվել ուղեկցող և (կամ) չուղեկցող ուղեբեռով.
- ապրանքների ՀՀ տեղափոխման փաստով զուգորդված Հայաստանի Հանրապետություն ժամանման օրվան նախորդող **420 օր տևողությամբ ժամանակահատվածում առնվազն 12 ամիս** անձը բնակվել է օտարերկրյա պետությունում,
- արտոնության տրամադրման նպատակով անձը Հայաստանի Հանրապետություն **ժամանելու օրվան հաջորդող 60 օրվա ընթացքում** գրավոր դիմում է ներկայացրել մաքսային մարմին՝ դիմումին կցելով օտարերկրյա պետությունում բնակվելու փաստը հաստատող փաստաթուղթը:





### 3. Հայաստանի Հանրապետության ֆիզիկական անձի կողմից ներմուծվող ո՞ր անձնական օգտագործման ապրանքներին է տրամադրվում արտոնությունը.

Արտոնությունը տրամադրվում է ուղեկցող և (կամ) չուղեկցվող ուղեբեռով ներմուծվող՝ **5000 Եվրոն** չգերազանցող արժեքով ապրանքներին, որոնք չեն գերազանցում և **ՀՀ կառավարության կողմից սահմանված** ստորև ներկայացվող բնաիրային չափերը.




- կենցաղային և անձնական օգտագործման սարքեր՝ յուրաքանչյուր տեսակից **2 հատ**;
- անձնական գործածության իրեր՝ յուրաքանչյուր տեսակից **10 հատ**,
- այլ տնային գույք՝ յուրաքանչյուր տեսակից **6 հատ**:

### 4. Ի՞նչ հաճախականությամբ է հնարավոր օգտվել արտոնությունից.

Անհրաժեշտ է իմանալ, որ նշված արտոնությունից անձը կարող է օգտվել երեք տարվա ընթացքում մեկ անգամ:

**5. Կարող է արդյոք անձը միաժամանակ օգտվել թե Չայաստանի Չանրապետություն մշտական բնակության տեղափոխվող ճանաչված կամ փախստականի, հարկադիր տեղահանվածի կարգավիճակ ստացած օտարերկրյա ֆիզիկական անձանց համար նախատեսված և թե Չայաստանի Չանրապետությունում մշտական բնակության վայր ունեցող և ժամանակավորապես օտարերկրյա պետությունում բնակվող Չայաստանի Չանրապետության ֆիզիկական անձանց համար նախատեսված արտոնությունից:**



Անձը կարող է օգտվել նշված արտոնություններից միայն մեկից:





---

ՀՀ ՊԵՏԱԿԱՆ  
ԵԿԱՄՈՒՏՆԵՐԻ  
ԿՈՄԻՏԵ

---



<https://www.facebook.com/petekamutner/>



[https://www.instagram.com/src\\_armenia/](https://www.instagram.com/src_armenia/)



<https://twitter.com/petekamutner>

---

<https://www.src.am/am>